

永寧縣志卷之一

土地部

疆域志

城池附

成王命畢公尹東都曰申畫郊圻慎固封守疆域廣輪
既正然後高城深池以臨之居中馭外碁布星羅咸準
視焉拓拔之季或屬熊或屬號或屬宏農或屬宜陽畛
域莫定所建之城壁壘防戍焉爾隋唐以來邑治地域
釐然城始有定雖彈丸小邑無百雉之雄而近跨三嶺
遠聯二號固洛郡藩屏矣載舂鏹而補葺之非固吾圉

永寧縣志

卷一

疆域志

者所當有事歟

永寧縣在河南府城西一百八十里

東至嶽山村宜陽縣界二十里至宜陽縣城一百二
十里

西至十八盤坡盧氏縣界一百二十里至盧氏縣城
一百六十里

南至界嶺嵩縣界八十里至嵩縣城一百四十里
北至頭峪陝州界六十里至陝州城一百六十里

東南至黃家窪宜陽縣界三十里至宜陽城一百一
十里

西南至九里溝口 關帝廟嵩縣盧氏界一百里至
盧氏城一百二十里

東北至杜氏村澗池縣界八十里至澗池縣城一百
四十里

西北至鞍子頭村陝州靈寶盧氏界一百五十里至
陝州城一百五十里靈寶城一百五十里盧氏城一
百二十里

東至省城開封府六百里東北達

京師一千九百八十里東西廣一百四十里南北袤一
百三十里

永寧縣志

卷一

疆域志

二

按舊志永寧層巒疊嶂彌望無際洛水貫注於中北
有九轉之阻東北有河底之隘西有十八盤坡之險
南有金門界嶺白馬神頂女几之雄東界三箱刀鏢
與韓城俱稱險要舊爲北宜陽地秦晉之門戶也

城池

永寧舊上城未詳創始何代週圍四里一百七十步高
二丈五尺女牆七尺廣一丈濠深一丈廣三丈門三
東曰迎恩南曰中和西曰普安明洪武二十年重建
置百戶所守之正統十年縣丞于淵嘉靖三十二年
知縣張守愚相繼修隆慶五年知縣高一登重修雉

堞礮以甃崇正十三年流寇攻陷城毀

國朝順治九年知縣程萬善重修康熙二十五年知縣
佟賦偉重修雍正七年知縣郭潔修葺乾隆十年知
縣單履咸重修二十七年知縣金兆琦修

永寧縣志卷之一

土地部

建置志

畫地分野以後郡縣之設始於秦時歷代兵戈俶擾分合屢更稱名迭變永寧自魏置崤後百餘里地置縣者六置郡者二置州者一屬郡者六官職崤雜民鮮安居莫此為甚於以見

太平之世疆界永定土食舊德農服先疇政之善抑生民之幸也既倣續通志沿革表以補舊志之缺陋間復援據史書論正其下循序而稽可為考鏡得失之林矣

永寧縣志

卷一

建置志

一

永寧縣

春秋時為韓地

秦屬宜陽西境地

漢屬澠池之西南境宜陽之西境

後漢魏晉並同俱見通志

後魏太和十一年置崤縣屬宏農郡

見魏書地形志

西魏置北宜陽縣仍屬宏農郡

見魏書地形志及方輿紀要

東魏興和中置金門郡領北陸一縣置金門縣屬宜陽

郡魏書地

形志

後周改北宜陽縣置熊耳縣又置同軌郡以熊耳屬焉

廢金門郡

見杜氏通典及隋書地理志

隋開皇初廢同軌郡徙熊耳縣治於同軌城大業初廢

嶠縣並入熊耳義寧年間移熊耳縣於永固城因符

堅舊城更名曰永寧隸入宜陽郡

見唐書地理志及方輿紀要

按後魏太武神廡年間已奄有中原之半而未立郡縣考文帝太和十年謀自平城遷都洛陽九年始立州郡置三長定戶籍十一年遂置嶠縣是時曹公嶠灑北道雖久開而嶠尤為險隘懲張是連提之敗置重兵扼焉遷洛後朝野又安者四十餘年邑名未改正光失馭奸雄蠡起魏分東西兵戈相尋復開南道出入東魏畏逼遷鄴高歡宇文泰爭戰地專在宜陽宏農間於是東魏有金門北陸之置西魏有北宜陽之置齊周繼篡所爭洛陽宜陽旋得旋失又增置防戍與河東玉壁並重見諸史與馬氏通考者齊以伊關孔城防洛陽北荆門防備周周立陝熊等州十六軍防有黃櫨三城嶠

永寧縣志

卷一

建置志

二

東立義及宜陽陝州土剗脩齊設城主防主長史戊正戊副等官高氏稍衰周得宜陽廢金門郡置金門戍竊意兩國置縣非以治民不過徵粟出車竭民力以堅壁固壘而已隋混一七宇改縣曰永寧示罷兵革安井里之意後遂沿之續通志沿革表於置嶠及雜置郡縣之由未暇發明故掇拾各史詳論之於後見讀書

考史當求其貫辨也又按周書鄭季穆傳從魏孝武西入關賜爵永寧縣侯西魏當時幅員止河東關隴其敬珎以平陽太守領永寧防當是今山西永寧州後周所稱石州者非永寧縣也其他省永寧州縣皆置自宋以後又非西北地豈永寧之名西魏已設而隋廢熊耳縣遂用此名耶北史既非完文前人俱未考及余嘗疑之附載於後俟媿雅者核正焉

唐武德元年復析置嶠縣武德二年以永寧嶠置函州

八年州廢以永寧隸熊州嶠隸陝州貞觀元年熊州

廢以永寧改屬穀州移治莎柵城又移治鹿橋驛顯慶初改屬洛州見唐書地理志及方輿紀要

永寧畿縣見唐書地理志注

按方輿紀要峭縣武德三年屬函州自硤石塢移置鴨橋八年改屬陝州開元十四年改曰硤石縣當未分時永寧實兼有三峭半收陝澠之地自分屬後乃獨治東峭耳

宋屬京西北路河南府見宋史

金屬嵩州見方輿紀要

按舊志云金史正隆六年縣寄治河南府後即府店鎮為縣未知府店鎮在何所考金史本紀正隆六年廢帝亮自中都至河南府所過州縣調從獵騎士二千隨路所至種麥皆空由河南府幸汝州澠湯詔一百五十里內州縣移商賈置市今河南府南七十里南府店鎮通汝州東西大道豈當

永寧縣志 卷一 建置志

三

日將永寧縣官師寄於此以供億行在耶金史無明文通志府志沿革表俱不載始附記於此

元屬河南路見元史

按方輿紀要後魏設長淵縣唐避高祖諱改為長水宋永寧長水并隸河南府金仍稱長淵縣觀紫蓋寺金大定二年碑可知至元時無長水之名則長水廢入永寧在元時無疑

永寧縣志卷之一

土地部

風俗志

時序附

記曰修其教不易其俗齊其政不易其宜又曰禮從宜使從俗蓋五方風氣不齊而治之者亦異觀時察勢以得其變治事臨務以識其性準今酌古以要其歸禮以節之樂以和之誠以格之嚴以訓之無改絃更張無膠柱鼓瑟則民樂從而化昔召伯聽訟甘棠之下而民大悅釋經者云行露之貞女見訟而致於獄蓋被文王之化淺而未純必如太陽之照幽崖焉而後可然則教化所關豈不重哉

永寧縣志

卷一

風俗志

一

漢書地理志韓地土有申子韓非餘烈高士宦好文法民曰貪遊生分爲失

魏書崔寬傳峭地險多豪右宏農出漆蠟竹木之饒路與南通販貿來往家產豐富

紀事本末東都西南接鄧虢皆高山深林民不耕種以射獵爲生人皆趨勇

按永寧戰國爲韓地漢魏屬宏農宏農古號也故以舊風俗冠首

通志永寧在豫土稟天地中和氣又爲召南首邑綽有

古風

張論風俗利弊論永之爲邑縣才百里而山據其什之七其車可方軌馬可馳驟者不踰四十里橫計之僅五里許河身遷徙又蕩其半餘不加三里竹木桑麻于是焉在丁男財賦于是焉出其民被召南之舊質而俚愿而不華服食粗淡器具牢樸無佻巧自黠者利一自長吏登高招之順風呼之彬彬雅化老死不識官廨無健訟掣上肘者利二僻在山陬礦稅新罷非有置郵繁騷迎送絡繹之費也利三然而均丈貽蠹所在益賦荒蕪幾偏境內民流移救死禮義不嫻有數十里無絃誦聲

永寧縣志

卷一 風俗志

二

者其弊也陋婿家罄產喪葬事佛無賴市魁以爲溪壑強藩隣貴以爲窟宅其弊也愚深山大姓武斷鄉村殺人擄婦恬不知畏民有貧不能訴之官弱不敢怒諸色者其弊也獷悍而黠狡且其大利大害甚有隣封所未見而有目可共睹者三曰竹曰河曰礦竹賦視他額不啻倍矣然富者竭別產所入培養數十年勿剪勿伐始有大如把者貧者旦旦伐之濯濯立見賂糧鬻產無可售者一折而盡入隣貴所謂有利名無利實者竹是也河與縣爲枕籍者也所謂鑿井引灌者什不得一秋水泛溢兩岸崩圯廬舍田井一望蕭然自清丈以來可三

十餘畝。諸處山澗亦略稱是。所謂利一而害十者。惟水是也。礦之不產砂。舊矣。蚩蚩無知。一迫荒災。嘯聚山谷。藉名竊礦。自相屠戮。官捕之急。則飛崖填塹。可爲痛冤。所謂利未得而害先及者。礦是也。大抵爲永計者。墾闢曠。延黨壑。疏渠培竹。禁奸戢暴。謂民生三五之地而不復見三五之化者。非其情也。一切調停拯救。釐正敦篤。以稱秉憲至意。惟長茲土者。留念焉。

舊府志絃歌之聲。交乎州里。孝友之行。遍于芻牧。素所淳有也。然民性勇敢。好勝多訟。近者振以作人。雅化雷冲。霓舍生殉國。劉芳投水救父。皆矯然有忠孝大節。

永寧縣志

卷一

風俗志

三

永寧地形圖說。邑民風土俗尚。屬淳良儉樸。第偏陬僻壤。物產稀疎。除服稼穡蓄竹木。砍伐販賣。或造器具外。貿營生安分守己。無怠無荒。而學未專。殊少佳士。惟有時加訓勉。以期爭相濯磨。各自振拔而已矣。

佟舊志。邑人張鼎。延言爾時習俗之弊。鬻凌佻達。廉耻道喪。江河日下。勢重難返。然未可概論。一邑如修文廟。遠近響應。雷冲霓劉芳之風。聞者感慕。興起以見永俗之厚。

按風俗與世移易。召南之化尚矣。二嶠秦頭魏尾。山峻而險。水悍而駛。木修聳石犖。舊爭踞所。故民尚勇力。然觀後周書。喻東立義。諸城防則俗之好義。自昔已然。官師既定。桀鷲漸平。薛氏父子以

道學著蔡子英趙建極以忠節著宋禮以功業著人能以禮讓教其鄉以家塾訓其秀而僑寓者亦樂而不去矣勝國中葉稅使礦使之害徧天下永寧彈丸邑竹課升冶民膏盡剝山脉夷傷於是貧富相耀強弱相凌之風起焉宜張中丞論中痛心疾首而言之也我

列聖朝

相承深仁厚澤休養生息百餘年為民開衣食之源而不爭其利使得以地之出廬之入搏節愛養仰事俯育睦姻任卹且山之獮者秀水之墟者澄地脉蘊蒸物產日盛民無奇貧亦無鉅富友助扶持有古同井風朔望聽講

聖諭

十六條咸曉大義尊上敬長輪將恐後從無違賦獄訟稀少投鉅無聞偶有譁張示以法旋亦斂戢孝義節烈閭史所書恒可采有事召集雲趨聽志中所臚載是也婚娶合禮母康費喪葬盡哀母後競墓樹森茂勝他邑義地亦禁樵採踐踏士象耕讀守碑雖限方隅之見汲古淺文少根柢然母浮夸奔競宦歸者鍵戶教子孫足跡毋入公門農終歲勤動毋些窳嫫生以產竹故家織器具貿

永寧縣志

卷一

風俗志

取給足俗有不鎖黃金櫃之語王范諸集通商者止牲畜布帛菽粟織皮漆蠟藥餌農器而已母金玉錦繡工製物尚堅樸母雕文刻鏤婦女軒車機杼聲相聞亦能織工緻竹器佐其夫母治粧艷服嬉遊於道在洛州頗淳而易治故引史傳舊志所聞而舉今時風俗合而論之以見吾民幸生

聖人之世沐

教化之盛所以涵濡薰陶之者何其厚也至紛靡之習一人唱則百人和防微杜漸是在忠信之長

時序

立春前一日縣迎春牛置衙前打春百姓買小春牛後

官式五色裝或相獻遺小兒剪綵作春雞戴頭上

元旦起早祀神家家爆竹不絕三鼓後直至天曉祀

子弟拜家長又依次各拜其長謂之拜年飲椒柏酒

食肉水引扁食乃出門往來賀歲以木炭倚於門傍曰攔門炭

元宵燈節俗用十四十五十六三日夜造燈山火樹或紗帳屏風畫神仙故事歌樓鱗次絃管嘈雜燈下設雜劇百戲遊人填塞街衢首結綵橋婦女行其上並作八卦鞦韆車輪鞦韆

二月初一日祀太陽初二日祀龍神

寒食拜墓後或挈酒榼春盤出遊

清明祭掃先隴插柳花土庶出郭踏青女子爲鞦韆戲三月三日祀城隍神十八日上鳳翼山石神廟祈子

永寧縣志

卷一

風俗志

五

四月八日爲浴佛日

五月端午俗以角黍相餉遺是日早起艾插門或結艾人以五色絲繫臂曰長命縷飲雄黃酒辟惡毒小兒女佩雄黃囊結五綵繒花爲之

七月望日祭邑厲壇十庶家各祭其先謂之鬼節

中秋節菓店皆重新結絡陳月餅石榴梨栗棗柿諸菓品家家市酒登樓翫月宴飲通宵

重陽詣鳳翼山及延壽山登高飲酒賦詩

十月朔燒獻寒衣百姓夜昇城隍神儀仗赫奕闔城官師從之由西關出北厲壇入東關鼓樂喧闐燈火照

禱名曰放鬼

初十日祀牛王廟報農功之成

冬至祀先祖食饌餽

臘八日以棗栗柿雜米炊之曰佛粥或用牛羊豕肉細

切作糜曰葷粥

臘月二十三日夜祭竈用飴餈

除夕卑幼多稱觴為父兄壽謂之添年守歲

永寧竹枝詩十首

知縣 單履咸

永寧二月柳芽黃渠水新流灌麥場西起龍頭過鳳翼
平疇冊里菜花香

永寧縣志

卷一

風俗志

六

紛紛鉦鼓鬧春風翠袖紅裳迭遠逢石佛寺中還願罷
共隨社火檣閣也到城東

焚修風俗近杭州老伴春來結隊遊朝罷華山嵩少去
明年挨次作香頭

高山南峙北平原四月初旬笋籜繁千畝綠雲簪玳瑁
家家活計仗斯團

同心扇子出唐宮劈霧裁雲製作工舊事已更遺物在
女兒攜得引清風

香泉寺裡亂烏啼王范街頭市早齊遊罷歸來斜日暮
怡澹新水到城西

秋空洛浦漾晴詩丈八魚叉夾岸持撒手應心真快事
柳條穿得鯉鰻肥

踈林到處添紅葉黃菊籬邊掛錦袍正是重陽好風景
牛王洞裡去登高

斤斧初冬競渡河陽虛材木最饒多編成筏子乘春水
兩岸青山一霎過

有禱何須問藥方神驅一豎出膏肓白羊赤鯉縱橫列
擊析敲鈺獻弋陽

永寧縣志卷之一

土地部

公署志

周官鄭氏注百官所居曰府自漢以來曰署曰公廨聽政曰堂曰廳事燕居曰齋曰閣曰館多見諸唐宋人詩文中蓋出坐堂皇則思何以布令退食委蛇則思何以補過時加補葺居高明清心志尊瞻視集賓佐政之所不廢也永邑之令有於署中引流鑿沼構軒讀書而敷政優優與利除弊稱賢宰焉後之官師縱不必窮彫鏤後緹錦亦不當視若傳舍鞠爲茂草庶可見明作有功

永寧縣志

卷一

公署志

之一端云爾

永寧縣署在東西門通衢之中央未詳創始何代元至大四年達魯花赤白阿剌罕重修燬於兵明洪武元年知縣翟禮重建正統十年縣丞于淵重修宏治十六年知縣李景重修規制式廓於舊基中爲忠愛堂左贊政廳右庫藏前立戒石坊東西爲六房前爲儀門門外左爲土地祠祠東爲紫雲軒卽寅賓館也萬歷中知縣楊淳創建右爲獄前爲譙樓亦淳所改建樓內左右爲榜房左右爲遊善申明亭忠愛堂後爲慎思堂又後爲知縣宅明末燬於流寇國朝康熙

八年知縣李伸重修乾隆九年知縣畢履咸重修又
建薰樓及內宅房乾隆五十三年知縣張楷重修儀
門大堂甬道六科房內宅堂室及祥房增建大門內
瓦房六間蕭曹神祠

貳尹于侯建修縣治記

河南永寧爲名邑山川勝槩甲中州而永寧尤爲之
冠其縣廳制度國朝洪武二年知縣翟禮創建迄今
九十餘載或有踈損亦隨時修葺正統十一年夏晉
陽石州于侯由太學員來丞茲縣侯天資聰敏才智
優餘剛健有爲蒞事不閱月而積弊悉革民利俱興

令行惠立政通人和綽然政聲播於遐邇觀其廳堂
縣治卑隘恒不愜意時謂僚友曰君子之居雖一日
必葺矧茲縣提封百里居民萬區而施政聽訟之所
爲衆人之所觀瞻國家錢穀之出入風雨不避卑隘
如此可不亟爲之安乎咸曰非不爲也力不贍也侯
曰誠若是責在我矣遂設法捐俸市材陶甃備冶及
備酒穀敦勸有力之家沿渠竹園中有松栢榆槐青
白楊大樹堪爲棟梁標柱者仍償以值人皆唯唯樂
輸之椽用松材邊山里分火甲朔望聽點之人帶一
根不逾時而完由是役在公聽使機兵祇禁里甲人

等從而撤之展地築基周圍比舊崇修廣各加三之二
二剏建琴堂三間七檁六椽椽用松材修廣比舊加
丈崇加八尺前起接簷龜背椽厦三間修與堂齊廣
二丈崇減堂之五尺左右檁懸粉油小木板左書主
敬行恕右書平易近民以爲箴後建退寢公明堂三
楹五檁四椽用松料楹皆開窓窓後東西北築墻崇
尋五尺上架木覆瓦粉壁彩畫爲方書永寧十景壁
前爲土池植以奇花異卉堂東西山各建耳房一間
前東西各建庫房三間中門接琴堂起穿廊五間下
壘壁上安窓南北兩頭各開東西角門南墻廊外東

西各蓋厦二間以安厨竈幕廳舊在縣廳之右撤而
建於廳之左三間五檁四椽廳右建庫房三間戒石
樓拆而重建四面轉角儀門大三間撤而重換榆槐
松楊木料東西角門重修用石砌基甬路左右建書
手房共十六間東西司房□□間添修俱用黑漆木
欄以防壅弊東西司房北各建房三間以收歲徵租
賦錢物廳臺崇比舊加二尺修廣比舊加一丈周圍
黑漆木欄甬路比舊廣崇加二尺兩傍俱用匠作條
石上加黑漆木欄至鼓樓門甃灰甃砌通街至宣化
坊吏舍四十間重修剏建幕宅客舍二間一口五彩

致飾黜聖丹雘美完中度輝煥一新鐘鼓樓見別錄
不備著莫不渠渠焉奕奕焉視前不啻倍屣矣自丁
卯歲二月初旬庀工五月初旬畢役侯之心猶慮其
聊且粗畧而遺後之譏也落成之日縣尹孫侯縣簿
郭侯縣幕吳侯咸曰侯之爲此豈特爲吾輩安居計
哉蓋欲上以重具瞻下以悅民心近有以宜於今遠
有以裕於後予等食公食治公職者莫不朝於斯夕
於斯以承流宣化於斯孰肯先之勞之以成其美哉
今茲俾予等不勞心不費力而坐享其成侯之功海
濶天高安可泯也囑絜文之於石用垂不忘洪惟朝
廷設官分職所以代天工而治天民也侯以經濟之
宏才非百里之可滯方今聖人在上宵旰求賢以隆
至治藩憲重臣交相辟薦將見不日居廟堂而功被
四海矣豈特爲一邑之光哉區區匪才姑效春秋之
直書此以爲記侯名淵字德深晉陽石州人世傳清
白云明正統十二年歲次丁卯秋七月望日致仕教
諭金峰劉道源撰

重修永寧縣署記

官廨之敝也官斯土者曰吾於時旅旅也宜十不二
三完也左氏傳叔孫穆子所館雖一日必厚葺其牆

屋去之如始。至。况守十吏擁數十百里之地。視民如子。治官事如家事。而出治之所。退思之室。乃至以傳舍視之不問。而其官可知也。昔召伯巡行南國。聽訟於甘棠之下。後人思其人。因愛其樹。共矢無剪。無伐。是非有棟宇垣墉也。猶且如此。末寧固召南地。自作邑以來。循吏間出。民有德之。而新其廨舍者。與。或曰。是所居不一。人賢者以不賢病也。孔子於旅三之象。曰。以旅於下。其義喪也。上以旅之道。視其下。下不以旅之道。報與於下。而旅之有不以旅自爲者。與甚矣。其苟也。永寧縣治創建時代無考。其載於志乘者一。

修於元。重建於明。洪武三。修於正統。宏治。萬歷。至本朝。康熙八年。知縣李伸葺之。乾隆九年。單履咸復。加整理。然吏宇尙沿茅舍。內外堂室。日益傾頽。將欲修之。而公私費無所出。通河南官廨。皆然。不獨永寧也。今方伯佛公敬爾。有官維新。庶政請於朝。出公項若干。爲修理各屬廨宇之資。而以養廉。分年扣抵。予適蒞永寧。奉檄經理。不三月。而葺事撤。而新之者十之六。因而葺之者十之四。視舊堅且壯焉。糜白金六百一十八兩。有奇。而爲文以記之。因以自箴。抑重有望於後之人也。君子視民如子。治官事如

家事故坐堂皇則用顧於民岩高軒宜夏燠室宜冬
則念寒暑之怨咨婦子相依莞簟安寢則思綢繆束
楚室家之未完賓朋讌會持梁齒肥則思土銜寒烟
儉朴之景况吾不自旅其敢以旅民與民又其忍以
旅我與君子是以知自寧其身心之足以寧人也且
願吾民之寧永永無極其有以庇我也。是爲記乾隆
三十一年丁亥歲仲春月魯成龍撰

共食園記

全 軌

共食園者青士先生洛西官舍後之菜圃也縱短橫
長大可二十畝繚以周垣垣下植榆柳無數春夏時

烟翠四合望之如張幄鑿土城引鳳翼澗水以灌水
自北垣入分爲二支一支迤南而下灌西偏之均一
支循北垣而東達於三隅蚤韭晚菘連畦被隴凡四
時之嘉蔬無不具也。當水方循垣而東之南有亭曰
菜根已易室遠以余爲義山公所留屢招不獲至而
思之也亭基高數尺不施四壁北修竹數百竿枝橫
斜交於簷下南望女几金門山如對畫圖風晨月夕
寒氣侵人坐不能移時輒去亭之東七八十步鑿池
如壁形水深四五尺芙蓉菱芡金鱗出沒架三折板
橋以渡池中有臺上有亭八角而蓋茅承以四柱愧

已志之未遠也顏以小草臺頗濶西北隅池之大柳覆之下安石几列方石四面以坐傍池之西岸因鑿池之士爲堤雜種桃杏堤盡增築爲小邱垂釣之所也池之東薪棚竹繩別爲小方院穿細路而徃折而北而西草屋一間背枕池上者曰已廬盖有感於孟子失其本心之歎也後闢大圓牕得壁之半荷風柳日光動承塵水自柵流經前牕下灑灑有聲西入於池案上置周易一卷退食則朗誦其中家人亦不得輒至遇春秋佳日名花茂樹紅綠滿園鳥語蛙鳴上下和答同志者或相過訪先生則沽酒治具對酌石几微醺之後分題聯句坑論今古已乃登西亭眺南山返乎已廬焚香煮茗燕坐而休焉一日喟然語其友人曰余羈栖於此十年矣所見人世之富貴聲名瞬息變滅消歸無有者何限而吾園林山水詩書朋友之樂不求之外而自足身安心泰更歷久遠而獨泊然無盛衰欣戚之與余之得於是邑者多矣倘蘇子之所謂江風山月用之不盡而取之不竭者耶乃名其園曰共食之園而俾余書之室遠亭以示賓客先生尚志好古而篤於同聲之契遊於是園者并當世有名之士易初暢翁先生來未幾遂卒其後呂元

素劉太乙王荆田相繼觴咏其中賦詩至數十篇而
余與道遠雨若及先生之從母弟世臣惕翁先生之
令子時占門人聖鐸來而去去而復來留輒至數月
風床展卷析疑賞竒無日不與先生共而尤最久者
余也今歲在戊寅季冬哉生明之日得先生超遷守
衡陽之報俯仰今昔忽忽遂已十四年念先生行且
去而余數人者亦各萍梗散矣感斯園之不再至而
後或記憶之不詳也東齋無事漫記池臺遊處之纖
悉乞時占書二通其一遺先生一余自藏之興茫茫
天海時一把觀宛如聚首且使未至者見之知塵埃

簿領中亦有淵雅道素如先生者也

儒學教諭宅舊志在明倫堂後明末流賊焚毀康熙三
十四年教諭宋鎰創修明倫堂後三楹左爲友仁堂
右爲敬一堂後爲教諭宅乾隆二十年教諭任果重
修二堂東書房乾隆五十三四年教諭高特拔重修
三堂東西廂房二堂及西書房川堂東西齋房
訓導宅在明倫堂東乾隆二十九年訓導張叶鼎重修
大堂

典史署在縣署東南乾隆四十八年典史邵宗源重修
把總署在東門內雍正四年自嵩縣營移防於此新建